



Kommuneqarfik Sermersumi Kommunalbestyrelsip nunaqarfinnilu aqutsisut politikkikkut suleqatigiinnissaannik isumaqatigiissut

Illuatungeriit

1. Isumaqatigiissuteqarfigineqartut:

Kommuneqarfik Sermersumi Kommunalbestyrelse

aamma

Nunaqarfinni aqutsisut Kulusuk, Tiilerilaaq, Isertoq

aamma

Nunaqarfinni aqutsisut Kuummiit, Sermiligaaq

aamma

Nunaqarfinni aqutsisut Kapisillit, Qeqertarsuatsiaat

aamma

Nunaqarfinni aqutsisut, Arsuk

Siunertaq

2. Isumaqatigiissutip pilersissavai kommune, ataatsimut isiginilluni kommunalbestyrelsip, nunaqarfinni aqutsisut, kommunimilu ingerlatsiviit atuuffii pingaarutillit erseqqissassallugit. Isumaqatigiissutitaaq qaffassissumik paasinarsassavaa kommunalbestyrelsip pissamaatit atugassiissutai sumut qanorlu atorneqartussaaneri.

Kommunalbestyrelse

3. Ukiut tamaasa pisartumik missingersuutit ingerlattarnerinut atatillugu kommunalbestyrelsip ingerlatsinermut sanaartornermullu aningaasartuutit Kommuneqarfik Sermersumi najugaqarfinni tamani pingaarnersiorlugillu aalajangiiffisarpai.
4. Nunaqarfinni aqutsisut ataatsimiinnissaanut aningaasartuutit, suliamut atatillugu angalanerit suliamullu atatillugu akunnittarfinni unnuinerit kommunip missingersuutaanit matussuserneqartarput.
- 4.2. Nunaqarfilt KANUNUPE-mut ilaasortaaneri kommunip missingersuutaanit matussuserneqartarput.



5. Kommunalbestyrelse ukiut tamaasa nunaqarfinni aqutsisunut immikkut atorsinnasanik immikkoortitsisarpoq, namminneq alajangikkaminnut atorsinnaasaannik (nunaqarfinnut aningaasaliissutit). Bygdepulje-p annertussusaa innutaasut amerlassusaat aallaavigalugit agguataagaavoq taamaattoq immikkut toqqammaviusumik aamma agguaassinertaqaqrungi.
6. Kommunalbestyrelse sapinngisamik nunaqarfinni aqutsisut oqaaseqaataannik, nunaqarfinni aqutsisut aalajangiiffigisinnaanngisaannut tunngappata nunaqarfimmi pissutsini tamani oqaaseqaatigisariaqakkanik paassisutissanik pissarsiniartassaaq. Tamanna qulakkeerneqassaaq pisortaqtigiiit pisussaaffilernerisigit nunaqarfinni aqutsisut tusarniarneqartassasut nunaqarfinnut kinguneqartussanik pingaarutilinnik allannguisoqassatillugu .
7. Borgmesteri aamma nunaqarfinni aqutsisut siulittaasui qaammatit pingasukkuuttarlugit ataatsimiittarput. Ataatsimiinnermi oqaluuserineqartarpot politikkikkut suulluunniit nunaqarfinnut tunngassuteqartut.
- 7.2. Borgmesterip aalangertarpaataatsimiinneq telefonikkut, skype-kkut imlt. takkulluni pissanersoq. Borgmesterip aalajangernini nunaqarfinni aqutsisut siulittaasuunut nalunaarutigisarppaa.
- 7.3. Borgmesterip ulloq ataatsimiiffissaq aalajangertarpaata, nunaqarfinnilu aqutsisut siulittaasuunut qaaqqusissummik nassiussilluni.
- 7.4. Nunaqarfinni aqutsisut siulittaasui kingusinnerpaamik ullut arfineq-marluk qaangiunnerini ullormut oqaluuserisassanut ilangutassaqarunik nassitsissapput. Oqaluuserisassat Pisortaqtigiiit Allatseqarfiianut nassiunneqassapput.
- 7.5. Borgmesterip ullormut oqaluuserisassat, ataatsimiinnissaq kingusinnerpaamik ullunik pingasunik sioqqullugu nunaqarfinni aqutsisut siulittaasuunut, nassiutissavai.
8. Nunaqarfinni aqtsisut siulittaasui borgmesterimik ataatsimeeqateqarnissaq ullunik 14-inik Sioqqullugu ingerlatsivinneersunik ataatsimeeqateqarsinnaapput. Ataatsimiinnermi Siunertaassalluni nunaqarfinni pissutsinut tunngasunuk oqaloqatigiinnerulernikkut Ilisimatitseqatigiittarnissaq paassisutigeqatigiittarnissarlu. Ataatsimiinnermi Oqaaluusererutat ataatsimiinnissaq ullut 14-it sioqqullugu Pisortaqtigiiit Allatseqarfiannut nassiunneqartassapput. Pisortaqtigiiit Allatseqarfiat ingerlatsiviit pineqartut suliamilluunniit suliallit suleqatigalugit ataatsimiinnissamik ulluliisassaaq pilersaarusiorlunilu.

Nunaqarfinni aqutsisut

9. Nunaqarfinni aqutsisut inatsisitigut aalajangersakkat makku suliassaraat:
 - a. Nunaqarfimmi pissutsinut innersuussummik kommunalbestyrelsimum tunniussissalluni, aamma
 - b. Innersuussut nunaqarfimmi pissutsinut tunngasoq pillugu kommunalbestyrelsimum oqaaseqassalluni
10. Nunaqarfinni aqutsisut nunaqarfinnut aningaasaliissutit makkununnga atorsinnaavaat:
 - a. Kulturimut aamma innutaasunut qaammarsaanermut,
 - b. Timersuutini sammisassanut,
 - c. Teknikkikkut ingerlatsinermut pilersuinermullu,
 - d. Sumiiffimmi nunaqarfimmi inuussutissarsiuutitigut suliniutinut,
 - e. Inooqatigiinnikkut sammisassanut, aamma
 - f. suliassat, kommunimit pisinnaatitsissutaasut



11. nunaqarfinni aqutsisut qaammatit tamaasa akiligassat-, banki- og karse-allagartai kommunalbestyrelsismut nassiutissavaat takuniarlugu uppernarsaatit, nunaqarfimmut aningaasaliissutit qanoq atorneqarneri.

Nunaqarfimmi aqutsisut suliassaat, missingersuusiornermi.

12. Ukiut missingersuusiornermi nunaqarfinni aqutsisut kommunip missingersuutissaanut siunnersuuteqarnissamut periafissaqarput.
- 12.2. Nunaqarfinni aqutsisut missingersuutinut ukiup tullianoortunut siunnersuutaat aggustip qaammataa naatinngagu borgmesterip allatseqarfianut nassiunneqassapput. Missingersuutinut siunnersuutit ingerlatsinermut sanaartornermullu siunnersuutinut tulleriaakkamik pingarnersiuinikkut nassiunneqassapput. Nunaqarfinni aqutsisuttaaq ingerlatsinerup sanaartornerullu iluani nunaqarfinnut aningaasaliissutitigut suut siunnersuuteqarnikkut suliarineqarsinnaanersut erseqqissaatigissavaat, aamma aningaasaliissutaareersut atorlugit siunnersuutit suut aningaasalorsorneqarsinnaanngitsut ilanngullugit.
- 12.3. Nunaqarfinni aqutsisut missingersuutinut siunnersuutaasa katersornissaannut, ingerlatsivinni susassaqartuni siunnersuutit pitsaassutsimigt qulakkeernissaat aamma siunnersuutit borgmesterimut ingerlateqqinnissaat Pisortaqtigiiit allatseqarfianit akisussaaffigineqarpoq.
- 12.4. Borgmesterip aamma nunaqarfinni aqutsisut siulittaasuisa kvartalikkaartumik aappassaannik ataatsimeeqatigiinneranni nunaqarfinni aqutsisut missingersuutinut siunnersuutaat eqqartorneqassapput. Borgmesterip taamaalilluni tamatuma kingorna nunaqarfinni aqutsisut missingersuutinut siunnersuutaannit pisariaqartut communalbestyrelsili politikkikkut missingersuutit pillugit isumaqatiginninniarnermut ilanngutissavai.
13. Nunaqarfinni aqutsisut siulersuisui Kommunalbestyrelsimi missingersuummut paasiniaaqatigiinnermut peqataassapput, missingersuutip siullermeerneqarnissaa sioqqullugu pisartumi.
- 13.2. Kommuneqarfik Sermersuumut missingersuut akuerineqareerpat, nunaqarfinni aqutsisut siunnersuutaat sorliit akuerineqarnersut, aammalu aningaasat nunaqarfinnut agguagassat ukiumut annertussusia ilanngullugu, Pisortaqtigiiit Allatseqarfianit imlt. ingerlatsivimmiiit susassaqartumit nunaqarfinni aqutsisunut ilisimatsitsissut isumagineqassaaq.

Nunaqarfinnut aningaasaliissutit atorneri aqunneralu (atorsinnaasanut sinaakkut)

14. Nunaqarfinnut aningaasaliissutit nunaqarfinni aqutsisut nammineq aalajangikkaminnik, susassaqarfiit imm. 9-mi taaneqartut iluani atorsinnaallugillu aqussavaat, takukkit a – f.
15. Nunaqarfimmi aqutsisut, nunaqarfimmut aningaasaliissutit atornissaanut aqunnissaanullu siunnersuut suliarissavaat, Aningaasaqarnermut Ataatsimiisitaliamit akuerineqarnissaa siunertaralugu.
- 15.2. nunaqarfimmut aningaasliissutit aggorerasa ilaat minneq susassaqarfimmi, nunaqarfimmut aningaasaliissutit atorsinnaaffisa arlaani kingusinnerusukkut atugassatut immikkoortinneqarsinnaavoq.
- 15.3. Siunnersuutit Pisortaqtigiiit Allatseqarfianut nassiunneqassapput. Borgmesterip Allatseqarfia Aningaasaqarnermut Ataatsimiisitami suliarineqartussanngorlugu ingerlateqqinnissaa isumagissavaa



16. Nunaqarfimmi aqutsisut aningaasaliissut ukiup naatsorsuuteqarfiup naanerani atorsimannngippagit, sinneruttoq (annerpaamik aningaasaliisutip tamarmi 50 %-a) ukioq tullermut naatsorsuuteqarfiusussamut nuunneqarsinnaavoq.
- 16.2. Nunaqarfimmi aqutsisut Aningaasaqarnermut Ataatsimiisitaq tamassuminnga qinnuteqaateqarfigissavaat. Qinnuteqaat Pisortaqtigiiit Allatseqarfianut nassiunneqassaaq. Qinnuteqaatip Aningaasaqarnermut Ataatsimiisitamut suliassanngorlugu nassiunneqarnissa Pisortaqtigiiit Allatseqarfiaita isumagissavaa.

Nunaqarfinni aqutsisunut il.il. Allatseqarfiaup sulissussinera.

17. Pisortaqtigiiit Allatseqarfiaata nunaqarfinni aqutsisut ataatsimiinnissai, tassungalu atatillugu sullissinerit allat, ullormut oqaluuserisassat suliassanillu saqqummiinerit ilanngullugit isumagissavai.
18. Pisortaqtigiiit Allatseqarfiaata nunaqarfinni aqutsisut apeqqutini suleriaasiinut tunngasuni tamani siunnersussavaat, kommunit aqunneqarnerani inatsit atuuttoq aammalu kommuninut inatsisitigut tunngasut nalinginnaasut ilanngullugit.
19. Nunaqarfinni aqutsisut siulittaasui nunaqarfimmi aqutsisut ataatsimiinnerini aqutsisuussapput suleriaatsimilu malittarisassat sukkulluunniit atuuttut Malinneqassapput.
20. Pisortaqtigiiit Allatseqarfiaata apeqquteqaatissatut isummiussat, siunnersuutit ilanngullugit komunalbestyrelsimi sularisassangorlugit ingerlateeqqinnissai isumagissavaa. Tamanna imatut ingerlanneqartassaaq saaffiginissutit borgmesterip allatseqarfianut ingerlanneqartassasut, tassanngaanniit nalilersorneqartassapput allaffissornikkut imlt. politikkikkut sularineqassanersut imlt. pisortanut pisussaaffeqartunut allanut ingerlateeqqitassaassanersut

Siunniussatut nalunaarutit

21. Nunaqarfimmi aqutsisut suliassatik sularissavaat suleqatigiinnissamik isumaqatigiissummi anguniakkanut peqataanikkut, ILANNGUSSAQ 1 naapertorlugu.



Atuutillarfia, atuukkunnaarfia, ll.l.

21. Maannakku leummekatigissut atuutisoaaq ulloq 22.11.2021 atuutisoallundu qinigaaffup naanerenuit aprilli 2025 imakuunnitit atuukkunaamissa kommunalbestyrelsimik oalaajangtunneqarat.

Ulloq: 27/12-21 Sumiliftik: Nuuk

Charlotte C
Kommunalbestyreise sinnerlugu
Charlotte Ludvigsen, Borgmesteri

25/11-2021

Ulloq:

Kulusuk
Sumiliftik:

Niebuk Utz

Nunaqerfinni Aqutsisut sinnerluguit Kulusuk, Tillerleaq, Iserteq
Niaq Ola Utuaq, Nunaqerfinni Aqutsisut eluittasueq

25.11.2021

Ulloq:

Sumiligeaq
Sumiliftik:

Peter Utuange

Nunaqerfinni Aqutsisut sinnerluguit Kuummit, Samlligaaq
Peter Utuange, Nunaqerfinni Aqutsisut eluittasueq

13/12-21

Ulloq:

Qeqertarsuatsiaat

Sumiliftik:

Ingvar Motzfeldt

Nunaqerfinni Aqutsisut sinnerluguit Kapissit, Qeqertarsuatsiaat
Ingvar Motzfeldt, Nunaqerfinni Aqutsisut eluittasueq

Arsuk
Sumiliftik:

13/12-2021

Hanne Jakobsen

Nunaqerfinni Aqutsisut sinnerluguit; Arsuk
Hanne Jakobsen, Nunaqerfinni Aqutsisut eluittasueq